



PRIMEIRU-MINISTRU

Diskursu husi

S. Exa. o Primeiru-Minístru

Majór-Jenerál Taur Matan Ruak

Iha okaziaun Serimónia hodi Símu Póse ba

VIII Governu Konstitusionál

Palásio de Lahane

22 de Junho de 2018

S. Exa. o Presidente da República, Sr. Francisco Guterres Lu-Olo e Esposa
S. Exa. o Presidente do Parlamento Nacional, Sr. Arão Noé Amaral
S. Exa. o Presidente do Tribunal de Recurso, Sr. Deolindo Santos
S. Exa. o Primeiro-Minístru do VII Governu Constitucional, Sr. Mari Alkatiri
S. Exas. Ex-Titulares de Órgãos de Soberania
S. Exas. Reverendíssimas Senhores Bispos de Baucau, Dili e Maliana

Distintus Senhores Membrus do Parlamentu Nasionál

Distintus Senhores Membrus do Governu

Distintus Senhores Membrus da Região Autónoma Especial de Oe-Cussi-Ambeno

Excelentíssimus

Senhor Procurador-Geral da República

Senhor Chefe do Estado-Maior General das Forças Armadas

Senhor Comandante Geral da Polícia Nacional

Excelentíssimus

Senhores Representantes do Korpu Diplomático

Senhores Representantes das Agências Internacionais

Senhores Representantes da Sociedade Civil

Excelentíssimus

Senhores Representantes do Korpu Diplomátiku

Senhores Representantes das Agências Internacionais

Senhores Representantes da Sosiedade Sivíl

Senhoras no Senhores

Distintus Konvidadus

Hó ónra boot ida duni, maibé, liu-liu ho hau nian umildade no profundu sentídu de dever, mak husik hau ohín atu bele asúme taréfa ezijénte ne'ebé, hodi lidéra ita nian Oitávu (VIII Governu Konstitusionál)

Hó Laran haksolok duni hodi agradése ba indigitasaun ba Aliánsa Mudánsa ba Progrésu, (AMP) ne'ebé manán Eleisoens Antespádas, maibé, liu-liu tanba faktu ne'ebé eskolhido husi Presidente

Koligasaun nian, S. Exa. Sr. Kay Rala Xanana Gusmão no husi Konselheiro Superior da AMP, S. Exa. Sr. José dos Santos Naimori Bucar, maluk sira ne'ebé mak hau ható hau nian saudasaun no agradesimentu, ba responsabilidade ne'ebé aas, hodi haláo destinus país ida ne'e nian.

Hau hakarak mos manifesta hau nian apresiasaun elevádu ba konfiansa mak ható mai hau, husi Sua Exa. Presidente da República, ba hau nian nomeasaun nudaarPrimeiru-Ministru Timor-Leste nian.

Ita hahú ita nian misáun iha momentu desizívu ba dezvoltimentu, modernidade no progresu ba ita nian Demokrasía jóvem ida ne'e, hodi kúmpre objetivu bo-boot ba dezvoltimentu sustentável, no Nasaun nian dezeñu hodi transforma “Timor-Leste nudaar País ida Riku, Forte no Segúru.”

Ita mós tenke fiar nafatin hanoin husi ita nian bei-ala sira, no valór sira ne'ebé justifika ita nian rezisténsia ba invasór, ho sakrifísiu no fákar raan barak, liu husi mártires, eróis no família Timor-oan sira.

Atu hetan moris diak ho inkluzoan sosiál; no konségue hamutuk Estadu sustentável ida, liu husi utilizaun ho efisiénsia ba meus rekursus ne'ebé disponível ba ita hotu nian benefísiu; hori úluk kedas no sei sai nafatin, povu nian mehi lejítimu, ne'ebé hanoin ho laran luak nafatin, atu hasai tiha husi hamláha no múkit, hodi hetan moris hakmatek no moris diak ho material no espíritual ne'ebé nesesáriu ba moris iha prosperidade no haksolok.

Oitávu (VIII) Governu konstituisional, hakarak sai hanesan motór ba mudansa no transformasaun ba ita nian sosiedade. Hanesan dalan-inan ba ita nia inkluzoan sosiál no kapasidade sosiál, mak la haré deit ba ekonomia nian buras ka aumentu ba prudusaun, maibé haré liu-liu ba kapitál sosiál, iha infraestruturas bázikas no iha governasaun diak; ne'ebé iha kritéria, efikásia no deligente ho rekursus bar-barak mak disponível ba ita.

Hanesan motor ba oportunidade no esperansa, mak haténe, katak ita la sei bele hetan dezvoltimentu jústu no sukat ka fahé hanesan, bainhíra família balun ka setór sosiedade balun deit mak hetan diak, enkuantu grúpu no ema sel-seluk sei iha moris múkit, vulneráveis no ema kbiit laek, continua héla nafatin iha kotuk, tanba izolamentu, hela do'ok liu husi ema seluk, ka ema halúha tiha deit.

Motor ida mak táru duni tuir riku-soin lia-loos nian ba Nasaun! Riku-soin ida mak dúra duni, liu fali propriedades ka mineráis, no tenke búras no diak liu-tan finin, fundu mina-rai nian.

Riku-soin lo'os Timor-Leste nian; mak nian ‘Kapital Sosiál’, maka halibur sidadaun lubuk-ida, barak liu ema klósan sira (jovem), maibé konta sira nian partisipasaun no inkluzoan husi feto no mane, Labarik, adúltus no ferik-katuas, faluk sira no órfauns, veteranus no antígus kombatentes, sidadaun sira mak inkapitádu, traballadores, empreendedores, empresáriu no invetadores,

“Nunka bele husik ema ruma iha kotuk.”

Ida ne'e nudaar kapital sosiál ida mak la limíta deit ba millaun ida ka Timoroan rihun-atus-rua mak héla iha rai laran, maibé, ida ne'ebé mak habelar tuir ita nian Komunidade sira mak héla iha Estranjeiru, tamba ne'e sei aumenta ita nian potenciál ba inter-kámbiu iha kontinente lima ne'e.

Nune'e ita mak sai tuir **Governu Konfiante** ida, iha nian projeto mobilizadór rasik, tuir orientasaun ba ni-nian vizaun estratéjika, espresa duni tuir nia qualidade, integridade no empenhu ba Governu nia estrutura ne'ebé ohin toma póse.

Estrutura ida mak competente, estável no permanente bazeadu iha solidariedade, ba kordenasaun ho kapasidade hodi kúmpre mandato konstitusionál ida ne'e, konfiádu husi Timor-Oan sira hotu, ho sira nian forsa no simu suporte husi koligasaun maíoria parlamentar.

Konfiansa ida ho fiar, katak atu hákat liu husi difikuldades, tenke presíza rona opiniaun no krítika oi-oin, atu prevéne, sei antisípa uluk, possibilidades ba krízes no insidentes.

Tempo halo falta ba atu koalia/diálogu, ba buat sira mak ita la kúmpri, husi impásse no husi kríse, héla tiha iha kotuk, felizmente, mak sai ultrapása husi komportamentu ezemplar husi partidu seluk nian lideransa no husi maturidade politika mak hatúdu husi ita nian sidadaun eleitores sira hotu.

Nune'e ita mo'os sai tuir **Governu ba Kompromisus**, mosis ho kapasidade atu halo diálogu/koalia iha síntese ba pluralidade ba opiniaun no ho vontade atu alkansa alternatívas, husi negosiasaun no konsertasaun hodi hetan dalan diak ba kasus kona-ba interesse nasional.

Ami la'os, konsekuentemente, Governu ida husi neon-laek hodi hakótu deit, no halúha kompromisus no akórdus mak alkansa ona ho lejítimidade husi Estadu de Direitu ka husi Ofísus Internasionais, husi ne'ebé ita halo parte ba.

Senhor Presidente da República

Excelências, Distintos Konvidados,

Ita nian kredibilidade hanesan Nasaun, ita nian rigór hanesan Governu no ita nian onestidade hanesan ema diak, maka ejíze continuidade no respeito ho morál aas réto kona-ba kompromisus no kontrátus, sira ne'ebé tenke hamoris duni tuir sira nian validade husi Governu sira seluk.

Tanba ne'e duni ita tenke mantém iha ita nia Programa Governu nian, tratádus sira balu husi Governu sira liu-ba nian, maka sei konsidéra fundamentál.

- Iha Dezenvolvimentu ba Kapitál Umanu;
- ba Kriasaun infraestrutura bázikas;
- ba diversifikasaun no espansaun ba setóres ekonomia nian, no
- Ba Konsolidasaun husi prátika diak ba jestaun, transparénsia no responsabilidade ba Governasaun no / ka atividades Administrasaun Públika nian mak sensatívu ba Igualdade de Jéneru, ho refórsu nesésáriu husi investimentu ba paz sosiál mak ható tuir justísa, defeza, no Seguransa ka Koperasaun Internasionál sira.

Maibé buat ida ne'e la signifika katak ita tenke sai dádur ba pasádu ka nudaár reféin ba situaun ne'ebé impóstas husi Governu anterior sira, mak la kompára ho interesse país nian no ho nesidade urjéntes, maka ita nian populasaun sénte.

Tuir sentídu ida ne'e, ami mak **Governu ba Mudansas**, korretamente kompatível no komplementar ba continuidade ne define ona husi Planu Estratéjiku ba Dezenvolvimentu Nasionál, no re-afirma iha matadalan ba Implementasaun Objetívu sira husi Dezenvolvimentu Sustentável, ba periúdu ba tó 2030.

Mudansa mak – sei konsidéra Estadu da Nasaun, ba ambiente Geopolítiku no realidade país nian – intensaun maka atu reforsa ita nian kbiit, vontade no determinsaun mak la-tóhar hodi konkísta dezenvolvimentu hodi liberta povu husi múkit, hamláha, no oportunidade laek.

Nune'e duni ami sei dezenvolve Programa ambisiózu ida, maibé bele alkánsa, sentrádu ba sidadaun nian moris-diak, husi aumentu produtividade hodi reduz importasoens, iha Governasaun diak ida no Servisu Públiku ezemplar, ho suporte apropriadu husi kontas públikas mak transparentes no balansadus.

Mai tuir razaun sira ne'e, continua ato kompromete iha tinan lima tuir mai;

- Iha Paz, iha Justisa, no husi podér no efikásia husi ita nian instituisaun sira; hanesan *“kondisaun xave atu ható konfiansa no seguransa ba populasaun, nesesário hodi atrái investimentu no dezenvolve ekonomia no setór sosiál husi forma sustentável.”*
- Iha Diversifikasaun económika no kriasaun empregu: Hodi fó resposta ba desafú husi modernidade no eziénsia husi populasaun ida mak mesak ema foin sa'e deit (jovens) (ho serka de 51.24% ema ho tinan kiik menus-ke idade 20 anos) no kuantidade sa'e rápidu liu;

Ita iha promessa ida hodi kumpre atu *“transforma Timor-Leste nudar País ida ohin loron iha rendimento per capita ida ne'ebé ki'ik liu, ba País ida ho rendimento mediu-altu,”* conforme Planu Estratejiku ba Ekonomia.

Ita hatene katak atu konkretiza objetivus hirak ne'e, ita tenki continua halo investimentu iha sektor produtivu, ne'ebé ita potensial tebes atu compete, hanesan:

- Iha vertente oi-oin husi Turismo: turismo natureza, foho, históriku, kultural, religiosu, desportivu ka lazer no rekreio, ita iha possibilidades boot atu promove Timor-Leste nudar destinu ida uniku, alternativu, ekologiku no amigu ba ambiente;
 - Iha Agrikultura, Floresta, Pekuaría no Peska, ita bele kria lalais rede abastesimentu internu, husi produto hortíkula, aifuan, na'an no ikan fresku, hodi aproveita infraestruturá foun iha konstrusaun (estrada no ponte) ka projectada (portu no aeroportu), hodi nune'e reduz dependência externa no aumenta exportasaun, liu-liu, iha nível husi produto organiku no ho qualidade sertifikada.
 - Iha kriasaun empresas ki'ik no media sira, ne'ebé dedica-an iha artesnatu no produto manufacturadu, liu-liu ida ne'ebé dirije ba turista no visitante sira, no mos atu alimenta konsumu internu ne'ebé sa'e ba bei-beik iha artigo no produto essencial hodi bele uza;
 - Ida mos konaba kriasaun ambiente negósiu atrativu ida ba investimento sira foun ho preparasaun hamutuk ho polo desenvolvimento sira ne'ebé relevante, parkes industriais ne'ebé hetan lisensa devida no preparadu ho infraestruturá básica nesesaria atu simu no suporta instalasaun empreendimento no unidade industrial. Tan ne'e mak ita hakarak continua ho servisu ne'ebé hahu tiha ona, hodi simplifica prosedimentu, hodi hala'o digitalizasaun ba prosesu investimentu no hala'o legalizasaun ba empresa sira, entre medida sira seluk ho objetivu ida atu koloka Merkadu Timoroan iha rede internacional destinu investimentus sira nian.
- Iha Juventude: ita labele permíte tan atu continua ho situasaun atuál ne'e, hanesan falta oportunidade ba servisu, mak barak liu laiha empregu no obriga juventude atu emigra ba (Irlanda do Norte, Austrália, Portugal ou Coreia do Sul), hodi buka kondisaun moris diak.
 - Ita iha obrigasaun moral no responsabilidade hodi responde ba aspirasaun sira husi Juventude, ho mensagem ida ho Fiar no Esperansa iha Futuru, husi lema ida ne'e mak ita halo tuir *“Kada Sidadaun ho Planu de Vida ida”* ho orientasaun klaru no akonselhamentu

adequadu kona-ba oportunidades ne'ebé disponível ba sira, hanesan edukasaun, fomasau no opsaun profesionál oi-oin.

- Tuir Igualdade de Jéneru. Atu kontinua responde ba apélo no nesesidade ita nian Fetin sira nian, (serka de 49.2% husi populasaun) mak hakarak sai ativu no partisipativu ba prosesu dezvoltimentu Nasionál, ita tenke kontinua investe iha nian poténsia tuir polítika de igualdade ba oportunidades, ba nível hot-hotu iha sosiedade no Estadu, ho atensaun espesiál ba oportunidades iha edukasaun, treinamentus no atividades ekonómikas
- Iha **Edukasaun**: Além-de, investmentus ne'ebé projetádu ba Sidade Universitária iha Alileu ka Kampus ba Universitárius iha Hera, ka ba rekuperasaun, reabilitasaun no konstrusaun husi infraestrutura foun ka ekipamentu eskolar, sei hakarak kontínua nafatin atu responde ba nesesidades husi kapasidades ne'ebé mak diak, abilitasoens no kompeténsias ne'ebé ezijidu husi merkadu servisu nian, husi empresas no Investidores, enkorája aparecimento husi jovem sira mak kada-vez preparadus liu tan, ba mundu ne'ebé kada-vez Globalizadu liu no kompetitivu.

Iha sentidu ida ne'e, mai ita kontinua apósta iha formasaun bazika ba Jovens sira mak iha ona vokasaun ba carreira dosénte. Hodi lao-hamutuk konklui no refórta prosesu ne'ebé iha vigór ba kualifikasaun no formasaun ba profesóres.

Ita mos sei hakarak atu aumenta oferta ba kompeténsias prátikas no edukasaun jerál hodi investe iha kriasaun ka adaptasaun ba estabelesimentus foun ba edukasaun sekundária no husi nível tékniku-vokasional ka husi edukasaun superior politékniku.

- Iha Rekursus Naturais: ita hetan benefíciu atu produz riku-soin enerjéticas, maibé ita tenke koloka ita nian esforsu hotu hodi se'es husi "*Maldisaun Rekursus nian*" Konstróe ponte diak ida hodi halo ligasaun entre Rekursus no Progresus.

Tuir Ne'e duni, Intensaun nafatin atu kontinua fó prioridade ba kosta sul, no projetu inter-setórial husi Tasi-Mane, ne'ebé sei pretende tau inatalasaun ba Indústria petroquímica moderna, hanesan pólo jeradór ba dezvoltimentu ekonómiku-sosiál.

Foin la-kléur ba ita hetan Vitória ida, iha Dereitu Internasionál kona-ba negosiasiéns ba Fronteira Marítima ho Austrália, batalhas sira ne'e mai bes-besik, lideráda husi Negosiador Prinsipál, ita nian Maun Doben Kay Rala Xanana Gusmão, negosiasiéns ba fronteira marítima no terrestres ho Indoesia sei kontinua, seidak-hotu, maibé liu-liu difikuldades kona-ba negosiasiensaun hodi garante konstrusaun *pipeline* husi Greater Sunrise mai tama Timor-leste.

- Iha Desentralizasaun Territorial no kriasaun foun ba Polos Desenvolvementu Munisipais; ita lakohi Nasáun ne'e lao ho velocidade rua, katak Kapital ne deit no Munisípio balun deit mak hetan liu benefícius no progresu ba Desenvolvementu.

Ami mai nudaar Governu ida ho Koezáun, ne'ebé governa ho soliedariedade territorial, kombaté kontra irregularidades, izolamentu no eskesimentu. Ami fiar katak desentralizasaun mak hahú tiha-ona hodi fó kriasaun ba Rejiaun no Munisípius konstitui ho realidade ba oportunidade, atu estabelése iha lokál sira ne'e, verdadeirus Polos ba Desenvolvementu.

Nune' é duni, ita tenke konta ho potenciál bo-boot no rekursus husi Munisípiu ida-idak; hanesan Turismo iha Ainaro nian fohó sira, Edukasaun Superior iha Aileu, Indústrias, ba manufaturadoras ba minerais no Simentu iha Baucau oportunidades iha fronteiras terrestres iha Bobonaro, Covalima, no Oecussi, teknolojias ba informasaun no servisu iha Dili, produsaun Kafé no produtos orgánikus ba exportasaun iha Ermera, turismu, pekuária no péskas iha Lautém, Portu Internasionál no parke industriál iha Tibar/Liquiça, indústrias agro-pekuárias peskéiras iha Manatutu, Indústrias ligadu ba setór Petrolífero iha Covalima, Manufahi, no Viqueque.

Nasaun ida deit, Ligádu ba Progrésu, Unídu iha Desenvolvimentu Partilhadu!

- Iha implementasaun no konkretizasaun ba polítika valorizasaun, rekoñesimentu, prezervasáun no selebrasaun ba Memória Antigos Kombatentes ba Libertasaun Nasionál. Ami hakarak, ho mandatu atuál, halo esforsu boot liu atu bele completa halibur fali mate restu Eróis no Mártires sira nian, kal nuné ita bele rezolve hamutuk kestóens sira ne'ebé refere ba benefísius ba pensaun. Ita mos iha esperansa atu bele kria Fundu ba investmentu, katak além-de halibur oportunidades ba nogósus autu-sustentáves, atu hodi asegúra sustentabilidades ba apóius sosiáis iha futuru.
- Iha Relasoens Internasionáis, ita tenke continua promove koperasaun bilaterais no multilaterais, adopta parsearías Kulturáis, ekonómikas no komersiais, importante ba kaptasaun investmentu no kapasitasaun ba instituisoens no rekursus humanus.

Tamba ne' é duni mak ita tenke refórta lasus de amizade no koperasaun ho ita nian vizínho sira mak besik liu ba ita, Indonésia. Austrália, espesialmente iha implementasaun Kona-ba projetus ba dezvoltamentu trilateral, ba oportunidades ekonómikas mak mai tuir ligasoens, infraestruturas, transporte no ligasaun entre Nasaun tolu ne' é, konhesidu hanesan “Triángulu ba Krescimentu” entre Timor-Leste, Territóriu Norte Austrália nian, no Provínsia Indonésia, iha Timor Osidental.

Atu hametin liu tan Lasus Istórikus, kulturais no amizade, com paíse sira membrus ba CPLP, ho ajenda komum ho países husi G7+ (G7 Plus); refórta relasoens iha níveis hot-hotu ho países husi ASEAN hanesan halo parte ba ita nian esforsu hodi hetan admisaun nudaarmembru permanente; no refórta tuir mos ba relasoens bilaterais ho países amigos sira ne' e, no parseirus importantes hanesan, China, Korea do Sul, Cuba, Estados Unidos America, Japaun, Nova Zelândia, Portugal, no sira seluk tan.

Ita hakarak mos atu aprofunda ita nian partisipasaun iha frenti Internasionál no rejionál espesialmente ho formalizasaun ho kandidatura ba Commonwealth.

- Dalida-tan ita sei continua konfia iha Sosiedade ne'ebé, bazeada iha Famílias Unidas Saudáveis no Matének, no fasilita mos armonía dezvoltamentu pakote integradu ho medida no instrumentu ba moris-diak sosiál, nomeadamente fó asesu ba servisu bázikus ba edukasaun, saúde, eletrisidade, bé-mos, no saneamentu baziku, konservasaun ba rekursus naturais, no meu ambiente, habitasaun no Urbanismu.

Dezafiu boot ida ne' e, sei kóko ita nian determinasaun no kapasidade hodi planeia asóens investmentus ba kúrtu, médiu no longo prazu. Medidas hanesan implementasaun ba rezervas ekolójika no agríkulais, ‘*master plan*’ ba rejiaun no Munisípiu sira, ho detalhes no planu urbanizasaun ba Kapital Dili, no ba Sede Munisípius sira nian, fornése suporte

prátika ho tempu ne'ebé razoável tuir populasaun nian nesesidades tuir forma integrál no transversál ba setóres hot-hotu Estadu nian.

Ba Governu ida ne'é, la sei husik kontinua fó licensa ba projetos ou konstrusoens, se laiha ligasaun ba servisus bázikus. Ita la sei aseita Inagurasaun ba Eskola, hospital ka Edifísiu Públiku ruma, sem buat nesesáriu sira hanesan ligasaun ba bé-mos, electricidade, saneamentu, esgótus, meius komunikasaun, internet no seluk tan.

Hanesan mos, ita labele aseita, deskriminasaun ba projetos kiik ka boot, hanesan ne'ebé loke uma sosiál kiik ida ba maluk kbiit laek ruma, ka inagurasaun ba kompañia mediu ka ba empresáriu Timor-oan ida, ba ami, valor no direitus sira ne'e hanesan deit atu simu Servisus Públikus ba Estadu.

Hanesan mos, la halo sentidu, kontinua konstróe sidades no empreendimentus sem ordenamentu, karik nuné ita la sei iha asesu ba estradas, transportes, abastementus no komunikasaun nesesárias ba ita nian moris, no ita nian atividades.

Senhoras no Senhores

Distintus Konvidadus

Governu ida ne'e fiar katak la sei posível atu realiza apostas no objetivus ne'ebé mak ita propóen, se la iha partisipasaun, akompanhamentu no monitorizasaun kontinua haré-tuir ba ita nian Sidadauns no sira nian organizasóens.

Ita asúme, tan ne'e duni, responsabilidades tolu (3) mak ita haré katak fundamental ba ita atu mantém diálogu permanente no halibur hamutuk governantes ba governadus;

Primeiru, Responsabilidade ba Komunikasaun, forma ida atu bele fó possibilidade, karik bainhira posível, fó fatin ba debate públiku alargadu kona-ba opsóens polítikas n'ebé la hanesan atu implementa, promove mos entendimentu diak ida ba kestaun sira ne'e, husi dezafius no benefisius ba País, husi desizaun oin seluk.

Segundu, Responsabilidade ba Kolaborasaun, ho Grúpus sidadaun no organizasoens husi sociedade sivil, mak dedika aan ba monitorizasaun, vijilánsia no akompanhamentu a atividades Estadu nian, ho atensaun espeisial ba impakto ne'ebé mosu husi medidas la hanesan no satisfasaun husi beneficiarius husi servisus públikus.

Terseiru, Responsabilidade ba Transparênsia, tuir ezekusaun orsamentál, karik bainhira posível, hatúir husi órgaus komunikasaun sosiál, Especialmente ho medidas ne'ebé ezije, esfórsu financeiru boot ida iha ezekusaun orsamentál karik bele kompromete jersaun futuras.

Ita tenke sai rigurózu ba ita aan rasik, membrus governu nian responsaveis ba adminstrasaun públika, maibé sira hotu mak iha ligasaun diréta ka indirétamente benefisía husi rekursus no subversoens Estadu nian, karik utiliza sasan no ekipamentu fasilitadu husi servisus públikus (hanesan electricidade, bé-mos, transportes, komunikasoens, no seluk tan) atu promove hábitu diak ba utilizasaun, manutensaun, konservasaun, evita mos atu estraga sasan no gastus ne'ebé la nesesários, ka estrágus ba propriedade públika.

Senhoras no Senhores

Distintus Konvidadus

Ita bele sai País ida ki'ak, maibé ita tenki iha mentalidade ida, hanoin no atitude ida ne'ebé korresponde ho mundu dezvoltadu sira nian.

Tanba ne'e mak ita mos sai nudár Governu Esperansa ida ne'ebé adapta-aan ho realidades foun, hahú husi nível Nasionál, rejionál no internasional, ne'ebé ezije ita liu tan iha servisu, dedikasaun, empénhu, vokasaun, espíritu ekipa, no sakrifísiu voluntarianismu, disciplina, soliedariedade, toleránsia no vontade ida maka'as atu aprende.

Timoroan sira hatúdu ona sira nian karakteristikas ne'ebé inatas, iha povu nian let, durante tinan ruanulu resin hat ne'ebé ita luta ba Ukun Rasik-Aan. Iha pasádu no mos ohin loron iha opinioens keta-ketak no pessimista, maibé obstákulus hirak ne'e labele halo ita haluha katak ita nian povu bele halo nian knaar boot atu hakat liu adversidades ne'ebé extremas.

Se uluk ita bele enfrenta, resiste no manan okupante ida ne'ebé poderozu ita mos sei bele vense desafio foun dezvoltamentu nian no libertasaun ita nian povu nian.

Maibé atu atinje kauza boot Nasionál ida ne'e, ita presiza mobiliza no halibur aan, halibur malu iha forsa ida únika, iha vontade ida únika, no méhi ida hotu-hotu nian ba sidadauns hotu-hotu, ba entidades no forsas produtiva sira hotu.

La iha ema ida ne'ebé disponível iha tarefas / servisu ne'ebé boot tebes iha ita nia oin. Governu mesak sem kolaborasaun ativa husi sidadauns ho setóres husi sociedade sira nian, nia sei labele mes-mesak resolve blokéius estruturais no obstakulus ne'ebé kondisiona ita nian futuru.

La'os tempu krispasaun nian, maibé kooperasaun,

Momentu ida ne'ebé mobiliza vontade hot-hotu nianatu manan.

Tempu ida Uniaun Timoroan hotu-hotu nian, husi ponta Leste to'o Oe-Cussi, husi Tasi-Mane to Tasi-Feto hale'u kauzas Nasionais ne'ebé boot!

Ba Timor-Leste ida Modernu, Dezenvolvidu no Prósperu

Nai-Maromak nian Bensaun ba ita hotu

Obrigadu barak ba atensaun